

23.02.2012



U općini Foča-Ustikolina 23.02.2012.godine u organizaciji načelnika općine Foča-Ustikolina u saradnji sa Udruženjem poslodavaca BPK Goražde, te Privrednom i Obrtničkom komorom BPK

Goražde održan je sastanak na temu : „ Kako pomoći privrednicima i obrtnicima sa područja općine Foča-Ustikolina na poboljšanju poslovnog ambijenta?“ , na kome je prisustvovao veliki broj privrednika, obrtnika i zadrugara sa područja ove lokalne zajednice.

Na sastanku su svoje učešće takođe uzeli i predstavnici Službe za zapošljavanje BPK Goražde i Ministarstva za privredu BPK Goražde.

Pozdravne riječi je uputio načelnik općine Zijad Kunovac koji se zahvalio svim institucijama koje su došle na ideju oko organizovanja ovakvog sastanka, te privrednicima i obrtnicima na izdvojem vremenu.

Predsjednik Privredne komore BPK Goražde Dževad Terović je rekao da je cilj ovog sastanka sagledavanje problema privrednih subjekata sa područja ove općine, te da se preko ovih poslovnih asocijacija sa stanovništa svojih kapaciteta pokuša pomoći stvaranju boljeg poslovnog ambijenta i boljih uslova privređivanja.

Dževad Terović je takođe istakao podatak da je Bosansko-podrinjski kanton jedini kanton u Federaciji BiH koji ima pozitivan platni suficit u kome su učestovali i privredni subjekti sa područja općine Foča-Ustikolina, te da je najveći obim razmjene roba ostvaren sa Austrijom, Njemačkom, Srbijom i Italijom.



